



藝術典第一百七十七卷

醫部彙考一百五十七

齒門三 單方

雄黃殺齒蟲取爲末和聚肉作丸塞蛀孔

本草下同

齒痛落盡膽礬末和人乳汁擦病齒上及孔中

日三痛止齒復生百日如故

齒根宣露動搖以鹽水擦之熱湯含漱百遍不過五日齒即牢固

薄荷鹽末擦牙固齒良

青鹽入腎入骨能固齒擦噙並佳

得效

一切牙疼青鹽二兩白鹽四

兩用川椒四兩煎汁拌炒二鹽爲末擦牙上仍用溫水含漱吐之洗眼尤妙

入門

口齒風露腫痛

牙根浮爛出膿血升麻煎湯服之仍頻含漱

本草

風牙痛及疳蝕白瘻藥爲末二錢入鹽一匙水

煎帶熱含漱大能止痛固齒

人門

牙齒痛動搖血出取骨碎補一兩剉炒令黑色爲末鹽漱後揩

齒根良久吐之

綱目

牙齦宣露蚯蚓屎水和爲泥火燒令赤研如粉臘月豬脂和敷上日三次永

瘥一方同入磁瓶內黃泥固濟煬火煨燒一夜候冷取出細研用如常法揩牙

風冷齒痛蛀牙

痛細華白芷煎湯含漱

綱目

齲齒痛苦參煎湯日漱三升五六日愈仍灸列缺穴

漢史

啄木鳥

啄木愈齕

淮南

牙齒裂痛死蚰蟻爲末敷之卽止

千金翼

蟲牙痛天仙子燒烟以竹筒抵牙引

烟熏之其蟲卽死永瘥

綱目

牙疼巴豆一粒煨熟去殼大蒜一瓣剉其中安巴豆合定綿裹隨患

取塞左右耳中

本草

蟲牙痛巴豆肉一枚香油燈上燒過填入孔中

綱目

風疳蜜齒牙疼痛骨

槽風梧桐淚爲末擦之治口齒爲最要之物寒牙痛勿用

本草下同

堅齒除齒痛川椒酢煎含漱吐

之牙齒動搖用生薑地黃汁製皂角散土痰藜散黑鉛砂貼搽

牙齒痛川椒露蜂房等分

爲末每二錢入鹽一匙水煎含漱吐之名如神散

局方

牙齧作痛蝸牛殼三十枚燒研日日揩之

良方

齒齕腫痛榔李根白皮切水煮濃汁含漱冷卽易吐出蟲卽愈

本草下同

牙痛白楊樹

皮酢煎含漱吐之

牙齒痛露蜂房煎湯含漱

蟲痛有孔蜂房細辛煎湯含漱

蛀牙有

孔痛啄木鳥舌尖綿裹當痛處咬之立瘥

牙齒疳腫啄木鳥燒爲末納孔中不過三度瘥

蟲牙痛取蟾酥燒許入孔中涎出吐之勿嚙

牙齒痛蟾酥用銀硃摻和爲丸如蘿蔔子大搽上

患處便不疼至三丸吐濃涎數口便愈

綱目

牙疳臭氣蜘蛛搗爛入胭脂麝香敷之

直指

腎虛

齒搖動羊脰骨灰常擦之妙牙齒疎豁須用之

入門

卒牙齒痛苦竹燒一頭其一頭汁出熱揩之

集驗方

牙齦癢痛杏仁百枚鹽一錢水一升煮令沫出含漱吐之三度癢

本草下同

蜜齒杏仁燒

研如泥綿裹納齦齒孔中能殺蟲

齦齒取雄雀屎綿裹塞孔中日一易

生齒固齒鹿茸末

爲丸服皆尤佳

固齒取牛齒三十枚火煨爲末取二錢水煎熱漱冷吐且以末擦之搖動者皆

堅牢

牙疼塞耳藥壁錢包胡椒末如左邊痛塞右耳右邊痛塞左耳手掩按之側臥少頃額上

微汗卽愈

醫鑑

風蟲牙痛鍼刺杏仁清油燈上烟熏乘熱擦病齒上連用七箇永絕不痛

得效下同

風蟲牙痛馬夜眼以刀刮起如米大插孔中或咬在痛處瀝出涎勿嚙卽癢斷根

風蟲牙痛霜

殺老絲瓜燒存性擦痛處立止

齒齠鶴虱枝插患處

又方吳茱萸雄黃各等分樟腦乳香

各少許爲末擦痛處

齠齒疼痛削白馬蹄塞之不過三度

千金方

牙疼壁上掃土用鹽炒過

爲末隨左右嚙鼻

普濟

蟲牙疼痛花蠟填孔內立止

儒門事親

風牙疼痛紋銀一兩燒紅淬燒酒

一盞熱漱飲之立止

集簡方

牙痛惡熱黃連末摻之立止

李樓奇方

食梅牙齦韶粉揩之

相感志

蟲牙作痛馬牙一枚煨熱酢中淬七次待冷含之卽止

經驗方

積年齒齠用舊鐵鐮頭一枚炭火

燒赤捻硫黃一分豬脂一分於上熬沸以綿包柳杖搥藥熱烙齒縫數次愈

普濟方

牙齒疼痛輕

粉一錢大蒜一瓣杵餅安膈骨前陷中先以銅錢隔了用蜆殼蓋定紮住一宿愈左疼安右疼安

左摘元

風蟲牙疳膿血有蟲輕粉一錢黃連一兩為末摻之

風熱牙痛用雄黃乾薑

等分為末嗜鼻左痛嗜右右痛嗜左

牙齒風痛秦椒煎酢含漱

齒疎陷物爐甘石煨

寒水石等分為末每用少許擦牙或刷牙久久自密

風牙腫痛多年石灰細華等分研擦

即止

普濟方下同

蟲牙作痛礦灰沙糖和塞孔中

風蟲牙痛用百年陳石灰為末四兩蜂蜜三

兩合勻鹽泥固濟火煨一日研末擦牙神效名神仙失笑散

牙宣有鹽土硃荊芥同研揩之日

三 齒痛及落研細石膽以人乳和膏擦之日三四次止痛復生齒百日後復故乃止每日以新

汲水漱淨

外科秘要

牢牙止痛石燕三對火燒酢淬七次青鹽乳香各一兩細華五錢為末揩之荊

芥湯漱口一方去乳香細華加麝香

齒疎不堅石燕子五對火煨米酢淬七次為末入青鹽麝

香各少許研勻日用揩牙後以溫酒漱嚥之

元山遺方

牙齦腫痛紅燈籠枝根煎湯漱吐

集效

風熱牙痛槐枝煎濃湯二椀入鹽半片煮乾炒研日用揩牙以水洗目

經驗方

齒齬齒動鹽半兩

皂莢兩條同燒赤研夜夜揩齒一月後並癢

食原本草

蛙牙有孔疼痛不斷根者用雄黃乳香各一

錢樟腦少許末之黃蠟爲丸隨孔大小納一丸以鐵打條一尺五寸長如筋小頭作一勾頭如鉗尾

狀火燒紅筆管筒住只留勾頭勿令熱傷唇舌須先以筋挑開口唇然後以頭勾住盪藥上須鎔開

覺熱爲度以水漱之神效 牙齦宣露用苦蘘根二兩砂鍋內甘草水煮軟取出令乾鷄舌香十

枚白芷五錢麝香一分右爲細末每用少許揩牙誤嚥無妨 牙齒疼痛皂莢濃漿同砂煎化

淋於石上待成霜擦之

普濟方

牙齒腫痛白礬一兩大露蜂房一兩微炙每用二錢水煎含漱去

涎

濟衆方

患齒碎壞欲盡者常以綿裹白礬石含嚼吐去汁

肘後方

牙齒疼痛縮砂常嚼之良

直指方

牙齒腫痛青蒿一握煎湯漱

濟急方

急疳蝕齒黃礬青礬麝香爲末敷之一方加白礬

齒腐齲爛不拘大人小兒用上好鹹土熱湯淋取汁石器熬乾刮下入麝香少許研搽之

宣明方

病齒非腫非痛虛不能嚼食用局方嘉禾散薑煎食後一服次以地骨皮煎湯漱之候空心以羊腰

子一對切片勿令斷以蔥絲椒末青鹽痰藜去刺末固元散二錢拌勻搽於腰子內以豆蔻葉或荷

葉包裹煨令熟食之服經兩日頓覺快利飲食如故

齒齲腫痛桔梗薏苡仁等分爲末服

牙根腫痛桔梗爲末棗膏和丸皂子大綿裹咬之仍以荊芥湯漱之

經驗方

牙疳臭爛桔梗茴香

等分燒研敷之

易簡方

風牙腫痛蒼朮鹽水浸過燒存性擦牙去風熱

普濟方

牙齒虛痛仙靈

脾爲粗末煎湯頻漱大效

奇效良方

風牙腫痛用獨活煮酒熱漱之

時後方

又方獨活地黃各三

兩爲末每服三錢水一盞煎和滓溫服臥時再服

文潞公方

風蟲牙痛鹽化地龍水和麪納齒上又

以皂莢去皮研末塗上蟲卽出又同元胡索槩末塞耳

普濟方

牙齒疼痛取五靈脂酢煎汁含

嗽卽效

得效

牙齒疼痛大川芎一箇入舊糟內藏一月取焙入細葶同研末擦牙

本事方

風蟲

牙痛用蛇牀子燭燼同研塗之

又方用蛇牀子煎湯乘熱漱數次立止

風熱牙痛香白芷

一錢硃砂五分爲末蜜丸芡子大頻用擦牙此乃濠州一村婦以此醫人絕勝他藥或以白芷吳茱

萸等分浸水漱涎

醫林集要

牙齒疼痛青木香末入麝香少許揩牙鹽湯漱之

聖濟總錄下同

風疳蟲

牙蝕肉至盡甘松膩粉末各二錢蘆薈五錢猪腎一對切炙爲末夜漱口後貼之有涎吐出

腎

虛齒痛甘松硫黃各等分爲末泡湯漱之神效

經效濟世方

一切牙痛三柰子一錢麪包煨熟入麝

香二字爲末隨左右嚙一字入鼻內口含溫水漱去神效名海上一字散

普濟方

風蟲牙痛山柰

爲末鋪紙上捲作筒燈燒吹滅乘熱和藥吹入鼻內痛卽止

又方用肥皂角一箇去瓢入山柰

甘松各三分花椒食鹽不拘多少填滿麪包煨紅取研日用擦牙漱去 風牙腫痛高良薑二寸

全蠍焙一枚為末搽之吐涎以鹽湯漱口此乃驗方百一選方 風寒牙痛紅豆蔻為末隨左右以少

許嚙鼻中并搽牙取涎或加麝香 風蟲牙痛萆薢末搽之煎蒼耳湯漱去涎 又方用萆薢

末木鼈子肉研膏化開嚙鼻 又方用萆薢胡椒等分為末化蠟丸麻子大每以丸塞孔中

牙疼茺醬細葶各五錢大皂角五挺去子每孔入青鹽燒存性同研末頻搽吐涎御藥院方下同 牙疼

日久腎虛也補骨脂二兩青鹽五錢炒研擦之 風蟲牙痛上連頭腦補骨脂炒五錢乳香二錢

五分為末擦牙或為丸塞孔內日用有效適用方 諸般牙痛香附艾葉煎湯漱之仍以香附末擦

之去涎普濟方 牢牙去風益氣烏髭治牙疼牙宣乃鐵鑿先生方也香附子炒存性三兩青鹽生

薑各五錢炒為末日擦濟生方 牙齒疼痛零陵香梗葉煎水含漱之普濟方下同 風牙疳牙用零

陵香洗炙萆薢炒等分為細末搽之即愈 風熱牙痛荊芥根烏柏根葱根等分煎湯頻含漱之

牙痛連耳用連錢草即積雪草和水溝污泥同搗爛隨左右內塞耳摘元方 風蟲牙痛化蠟少許

攤紙上鋪艾以筋卷成筒燒烟隨左右熏鼻吸烟令滿口呵氣即痛止腫消普濟方 風齲牙痛鼠

黏子炒煎水含漱吐之

延年方

熱毒牙痛熱毒風攻頭面齒齦腫痛不可忍牛蒡根一斤搗汁入

鹽花一錢銀器中熬成膏每用塗齒齦下重者不過三度瘥

聖惠方

牙齒痛腫蒼耳子五升水一

斗煮取五升熱含之冷即吐去吐後復含不過二劑瘥莖葉亦可或入鹽少許

千金翼方

牙齒疼痛

枳殼浸酒含漱

聖惠方

風蟲牙痛芭蕉自然汁一椀煎熱含漱

普濟方

牙疳宣露膿血口氣生

地黃一斤鹽二合為末同搗和團以麪包煨令烟斷去麪入麝一分研勻日夜貼之

聖濟錄

蟲牙

疼痛用新殺猪肚尖上涎絹包咬之數次蟲盡即愈唐氏用枳殼末拌之

又方用巴豆一粒研

綿裹咬之

蟲牙作痛香油抹筋頭蘸麝香末綿裹炙熱咬之換二三次其蟲即死斷根甚妙

醫方

要摘

牙齒疼痛牛膝研末含漱亦可燒灰

千金方

牙齒不生用雄鼠屎三七枚麝香五分同研

細揩齒

疳蟲蝕齒葶雄黃等分為末臘月猪脂和成以綿裹槐枝蘸

點金匱要略

風牙疼痛

取獼猴頭草入鹽少許於掌心擦之即止

集元方

齒齬腫痛紫藍燒灰敷之日五度

聖惠下同

齒

鹽口臭苦瓠子為末蜜丸半棗大每旦漱口了含一丸仍塗齒齦上涎出吐去妙

風蟲牙痛壺

盧子半升水五升煎三升含漱之莖葉亦可不過三度

一切牙痛木耳荆芥等分煎湯頻漱

普濟

方

胃火牙痛口含冰水一口以紙擦蘸大黃末隨左右嚙鼻立止

儒門事親

風熱積蘊一切牙

痛去口氣大有奇效好大黃瓶內燒存性爲末早晚揩牙漱去卽紫金散都下一家專貨此藥兩宮

常以數千曠之其門如市也

千金家藏方

風蟲牙痛齦常出血漸至崩落口臭極苦大黃米泔浸軟

生地黃各旋切一片合定貼上一夜卽愈未愈再貼忌說話恐引入風

本事方

牙齒搖痛大戟咬

於痛處良

生生編

牙齒疼痛貓兒眼睛草一搗研爛湯炮取汁含漱吐涎

易簡方

風牙蟲牙用

荳蔻子入瓶內以熱湯灌下口合瓶口氣熏之冷更作盡三合乃止有涎津吐去有效

又方用

荳蔻子數納孔中以蠟封之亦效

牙齒宣落風痛用荳蔻子爲末綿裹咬之有汁勿嚙

必效方

風蟲牙痛用附子一兩燒灰枯礬一分爲末揩之

又方川烏頭川附子生研麪糊丸小豆大每

綿包之丸咬之

又方用炮附子末納孔中乃止

牙痛難忍附子尖天雄尖全蠍各七箇生

研爲末點之

永類方

風蟲牙痛草烏炒黑一兩細葶一錢爲末揩之吐去涎

又方草烏食鹽

同炒黑搽之

海上方

風蟲牙痛南星末塞孔以霜梅盥住去涎

摘元方

刮骨取牙玉簪花乾者

一錢白砒三分白礪七分礪砂二分威靈仙三分草烏頭一分五釐爲末以少許點疼處卽自落也

選奇方

牙痛欲取金鳳花子研末入砒少許點疼牙根取之摘元方

風蟲牙痛齧齒一錢草烏

頭二錢五分爲末化蠟丸藁豆大綿包一丸咬之追涎海上仙方牙痛難忍諸藥不效芫花末擦之

令熱痛定以溫水漱之永類方

風蟲牙痛用莽草煎湯熱漱冷吐一方加山椒皮一方加獨活一

方加榔李仁一方加芫花一方加川椒細辛各等分煎湯熱漱冷吐又方用莽草五錢皂角三

挺去皮子漢椒七粒爲末棗肉丸芥子大每以丸塞孔中吐涎取效牙疼點眼用覆盆子嫩

葉搗汁點目皆三四次有蟲隨眵淚出成塊也無新葉乾者煎濃汁亦可蟲牙疼痛使君子煎

湯頻漱

風牙腫痛木鼈子仁磨酢塗之普濟方

牙齦疼痛苦蘘皮露蜂房燒灰擦牙以烏柏

根荆柴根葱根煎湯漱之

牙齦腫痛山豆根一片含於痛所備急方

牙疼頰腫桃白皮柳白

皮槐白皮等分煎酒熱漱冷則吐之聖惠方

風蟲牙痛鍼刺桃仁燒烟出吹滅安痛齒上咬之不

過五六次愈

風蟲牙痛用骨碎補乳香等分爲末糊丸塞孔中聖濟總錄

牙疼啗鼻鵝不食草

綿裹懷乾爲末含水一口隨左右啗之亦可按塞

牙齒蟲痛鏡面草不拘多少以水缸下泥同

搗成膏入香油二三點研勻貼於疼處腮上

又方用鏡面草不拘多少入麻油二點鹽半捻按

碎左疼塞右耳右疼塞左耳以薄泥餅貼耳門閉其氣仍側臥泥耳一二時去泥取草放水中有蟲浮出久者黑次者褐新者白須於午前用之

牙齒腫痛酸漿一把洗淨川椒四十九粒去目

同搗爛絹片裹定如筋切成豆粒大每以一塊塞痛處即止

節齋醫論

牙齒腫痛天花白礬等分水

煎漱之立效

摘元方

大人小兒牙疳雙頭蓮一名催生草搗爛敷之

牙齒痛腫胡麻五升水

一斗煮汁五升含漱吐之不過二劑神良

時後方

齒齬併蟲積年不瘥從少至老者用雀麥一名

杜姥草俗名牛星草用苦瓠葉三十箇洗淨取草剪長二寸以瓠葉作五包包之廣一寸厚五分以

三年酢漬之至日中以兩包火中炮令熱納口中熨齒外邊冷更易之取包置水中解視即有蟲長

三分老者黃色少者白色多至二三少亦有一二十此方甚妙

外臺祕要

牙宣露痛絲瓜藤一握

川椒一撮燈心一大把水煎濃汁漱吐其痛立住如神也

德生堂方

牙齒風痛薏苡根四兩水煮含

漱冷即易之

延年祕錄

牙齒不生不拘大人小兒年多者用黑豆三十粒牛糞火內燒令煙盡研入

麝香小許先以鍼挑破血出以少許揩之不得見風忌酸鹹物

經驗方

牙齒疼痛黑豆煮酒頻漱

之良

牙齒疼痛紅豆末擦牙吐涎及吹鼻中一方入銅青少許一方入花柳少許

牙齒疼

痛米酢煮枸杞白皮一升取半升含漱即瘥時後 風蟲牙痛燒酒浸花椒類類漱之 牙齒

蟲蟻韭菜連根洗擣同人家地板上泥和敷痛處腮上以紙蓋之一時取下有細蟲在泥上可除根

又方韭根十箇川椒二十粒香油少許以水桶上泥同擣敷病牙頰上良久有蟲出數次即愈也

烟熏蟲牙取瓦片煨紅安韭子數粒清油數點待烟起以筒吸引至痛處良久以溫水漱吐有小蟲

出為效未盡再熏救急方 蟲牙疼痛獨頭蒜煨熱切熨痛處轉易之外臺 風熱牙痛雲臺子白

芥子角茴香等分為末噓鼻左噓右右噓左 牙齦腫爛出臭水者芥菜乾燒存性研末頻敷之

即愈 牙齒疼痛蘿蔔子十四粒生研以人乳和之左疾點右鼻右疼點左鼻 牙齒疼痛老

生薑瓦焙入枯礬末同擦之有人日夜呻吟用之即愈普濟方 牙痛不止川薑炮川椒等分為末

搽之御藥院方 牙齒疼頭痛胡荽子五升水五升煮取一升含漱外臺祕要 牙痛用稻上蔴蘿藦

子白芥子等分研末口中含水隨左右噓鼻神效 走馬牙疳小兒食肥甘胃受虛熱口作鼻息

次第齒黑名曰崩砂漸至齲爛名曰潰槽又或出血名曰宣露重則齒落名曰腐根用蘭香子末輕

粉各一錢密陀僧酢淬研末五錢和勻每以少許敷齒及齲上立效內服甘露飲幼幼口議 齒蟻腫

痛柏枝燒熱注孔中須臾蟲緣枝出

揩齒固牙松脂出真定者佳稀布盛入沸湯煮取浮水面

者投冷水中不出者不用研末入白茯苓末和勻日用揩齒漱口亦可噉之固牙駐顏

風蟲牙

痛刮松上脂滾水泡化一漱卽止已累試驗

集簡方

齲齒百孔松脂絳塞須臾蟲從脂出也

風熱牙痛用油松節如棗大一塊碎切胡椒七顆入燒酒二三盞乘熱入飛過白礬少許噉漱三五

口立瘥

又方松節二兩槐白皮地骨皮各一兩漿水煎湯熱漱冷吐瘥乃止

風牙腫痛松

葉一握鹽一合酒二升煎漱

聖惠方

風熱牙痛浮腫發渴元臟氣虛小兒疳飲雞腸草旱蓮草細

莘等分爲末每日擦三次名祛痛散

普濟方

風齒腫痛馬齒莧一把嚼汁漬之卽日腫消

普濟方

還少丹昔日越王曾遇異人得此方極能固齒牙壯筋骨生腎水凡年未及八十者服之鬚髮返黑

齒落更生年少服之至老不衰得遇此者宿有仙緣當珍重之不可輕泄用蒲公英一斤一名耦耨

草又名蒲公英生平澤中三四月甚有之秋後亦有放花者連根帶葉取一斤洗淨勿令見天日陰

乾入斗子斛鹽一兩香附子五錢二味爲細末入蒲公英內淹一宿分爲二十團用皮紙三四層裹

紮定用六一泥卽蚯蚓糞如法固濟入甑內焙乾乃以武火煨通紅爲度冷定取出去泥爲末早晚

擦牙漱之吐嚙任便久久方效

瑞竹堂方

蟲牙作痛魚腥草花椒菜子油等分搗勻入泥少許和作

小丸如豆大隨牙左右塞耳內兩邊輪換不可一齊用恐閉耳氣塞至一日夾取看之有細蟲為效

簡便方

牙齒腫痛隔年糟茄燒灰頻乾擦立效

海上名方

蟲牙疼痛黃茄種燒灰擦之效

摘元方

風蛙牙痛茄蒂燒灰搽之或加細荳末等分日用之

牙痛秋茄花乾之旋燒研塗痛處立止

上海方

名方

牙齒齩痕茄根搗汁頻塗之

又方陳茄樹燒灰敷之先以露蜂房煎湯漱過

牙痛

取牙茄科以馬尿浸三日曬炒為末每用點牙即落真妙

鮑氏方

風蟲牙痛門下桃檉燒取汁少

少納孔中以蠟固之

聖惠方

食榴損齒石榴黑皮炙黃研末棗肉和丸梧桐子大每日空腹服三

丸白湯下日二服

普濟方

風蟲牙痛用楊梅根皮厚者焙一兩川芎薺五錢麝香少許研末每用

五分鼻內嚙之口中含水涎出痛止

又方用楊梅根皮韭菜根廚案上油泥等分搗勻貼於兩

腮上半時辰其蟲自根角出也屢用有效

風蟲牙痛橡斗五箇入鹽在內皂莢一條入鹽在內

同煨過研末日擦三五次荊芥湯漱之良

經驗良方

風牙疼痛用荔枝連殼燒存性研末擦牙即止

仙方也

又方用大荔枝一箇剔開填鹽滿殼煨研擦之即止

牙齒風疳膿血有蟲用橄欖

燒研入麝香少許貼之

聖惠方

風蟲牙痛用川椒細末水和白麪丸臍子大燒熱咬之數度愈

又方花椒四錢牙皂七七箇酢一椀煎漱之

風蟲牙痛海桐枝煎水漱之

聖惠方

通治風蟲

各寒三般牙痛呻吟不止胡椒九粒棗豆十一粒布裏搥碎以絲綿包作一箇患處咬定涎出吐去

立愈

又方用胡椒一錢半羊脂拌打四十丸擦之追涎

牙齒疼痛茱萸煎酒含漱之

孟詵本草

風熱牙痛瓜蒂七枚炒研入麝香少許和之綿裹咬定流涎

聖濟總錄

牙齒疼痛青荷葉剪取錢蒂

七箇以濃米酢一盞煎半盞去渣熬成膏時時抹之妙

經驗方

風牙宣露發渴口氣雞舌香射干

一兩麝香一分爲末日揩

聖濟錄總

齲齒黑臭雞舌香煎汁含之

外臺秘要

風蟲牙痛乳香川椒末

各一錢爲末化蠟和作丸塞孔中

又方用乳香巴豆等分研和蠟丸塞之

又方乳香枯礬

等分蠟丸塞之

牙齒疼痛梅花腦硃砂末各少許揩之立止

牙齒蟲痛用韶腦硃砂等分

擦之神效

一方用樟腦黃丹肥皂去皮核等分研勻蜜丸塞孔中

濕熱牙痛喜吸風梧桐

淚入麝香摻之

牙疼出血梧桐淚五錢研末夜夜貼之或入麝香少許

聖惠方

牙齒蠹黑乃

腎虛也梧桐淚一兩丹砂五錢麝香一分爲末摻之

牙疳宣露膿血臭氣者梧桐淚一兩枸杞

根一升每用五錢煎水熱漱

又方梧桐淚葶藶等分研搽

聖惠方下同

齒縫出血不止用地龍

末枯礬各一錢麝香少許研勻擦之

風熱牙痛皂角一條去子入鹽滿殼仍加白礬少許黃泥

固濟研日搽之

經驗方

風蟲牙痛用皂莢末塗齒上有涎吐之

蔓荊子生地黃地骨皮青蒿

各一兩榔李根皮二兩每服五錢水煎熱含冷吐

風蟲牙痛皂角子末綿裹彈子大兩顆酢煮

熱更互熨之日三五度

聖惠方

風虛牙腫老人腎虛或因妄藥擦牙致痛用獨子肥皂以青鹽實

之燒存性研末搽之或入生樟腦十五文

衛生家寶方

牙齒腫痛無患子大黃香附各一兩青鹽五

錢泥固煨研日用擦牙

牙齒疼痛綿裹無食子末一錢咬之涎出吐去

聖濟總錄

齒齲腫痛垂

柳枝槐白皮桑白皮白楊皮等分煎水熱含冷吐

又方柳枝槐枝桑枝煎水熬膏入薑汁細辛

芎藭末每用擦牙

聖惠方

風蟲牙痛楊柳白皮卷如指大含咀以汁漬齒根數過即愈

又方

柳枝一握剉入少鹽花漿水煎含甚驗

又方柳枝剉一升大豆一升合炒豆熟磁器盛之清酒

三升漬三日頻含漱涎三日愈

古今錄驗

蟲牙作痛以蕪荑仁安蛙孔中及縫中甚效

啄木散

治蟲牙啄木舌一枝巴豆一枝研勻每以豬鬃一莖點少許於牙根上立瘥

聖惠方

蟲蝕牙根溫